

თმევედნეს სოფლებსა და  
საკან იუოსო შემდგარი. ამგვარად, საისტორიო წყაროები გვიჩვენებენ,  
რომ საქართველოს მეფის სახელწოდება ამჟამად მეფე, მეფე აფხაზია.  
ქართულია, კახთა და რახთა საქართველოს სახელმწიფო წესწინა-  
ლების უტყუარი გამოძახებელი იყო და რეალური მნიშვნელობა ჰქონ-  
და.

## თავი მეორე

წინა წერილში ვეცადეთ გამოკვეთოთ, თუ როგორ განახლდა საქარ-  
თველოს მეფის უფლება, რომელიც ერისთავობის ნიადაგზე აღმოცენ-  
და, და როგორ შეერთდნენ განცალკევებული სხვადასხვა ქართველ მოდ-  
გმის ტომთა სამეფოები. ამგვარად, გამოირკვა, როგორ შესდგა ის მე-  
ფის სახელწოდება, რომელიც მრავალ საუკუნეთა განმავლობაში იგი-  
თეულ მეფის მიერ ნაბობებ სიგელს ამშვენებდა სოფლმე. ჩვენ დაუინახეთ  
აგრეთვე, რომ ის ზოლიტიკური ზირობები, რომელთა წყალობითაც მე-  
ფის შემთავნიშნული სახელწოდება დაიბადა შემდეგშიც. სამეფოს უმაღ-  
ლესს ძლიერების დროსაც-კი, ცხოვრებამ ვერ მოხლო და ვერ გააქარ-  
წულა; ამის გამო მეფის სახელწოდებას რეალური მნიშვნელობა არც რო-  
დის არ დაჰკარგვია. ცხადია, რაც უფრო მეტად გაიხრდებოდა და გა-  
ფართოვდებოდა ქართველ მეფეების საბრძანებელი, მით უფრო მეტად სა-  
ჭირო იქმნებოდა მათთვის მეფობის უფლებისათვის მტკიცე და შეუპო-  
ვებელი ნიადაგი მოეზოვებინათ. იმიტომ რომ ქართველი მეფეები, რო-  
გორც ქვემოთ დაუინახავთ, თავიანთ ძლიერებისა და უფლების დასამ-  
ყარებლად ახსნაურებს ებრძოდნენ სოფლმე. რაში მდგომარეობდა ეს ბრძო-

ლა, როგორ მიმდინარეობდა იგი და ვის გაუღიმა ბედა ამ პეტოქობაში, ამაზე დაწერილებით ქვემოთ იქნება ლაპარაკი. ეხლა საჭიროა აღვნიშნოთ მხოლოდ, რომ ამ გამწვავებულ ბრძოლის მოსაგებად მართო მკლავ-ხმლის ძალა არა კმაროდა. ქართულ მეფეებს კარგად ესმოდათ, რომ ამისთვის აუცილებლად საჭირო იყო სწოებრივი ძალაც. რაში მდგომარეობდა მერე ეს სწოებრივი ძალა? ბრძოლის გასაადვილებლად საჭირო იყო, რომ მეფობის უფლების არსებობის აუცილებლობა და სარწმუნოებრივი მნიშვნელობა დაესაბუთებინათ. ეს კი არც თუ ძალიან მხელი საქმე იყო: ახალ აღთქმაში ამის შესახებ საუცხოვო წინადადება მოიპოვება. ჰაუელე მოციქულის ეპისტოლეში სახელდობრ.

ამ მოციქულის სიტყვების თანახმად, ბრძოლის დროს ბერ-მონაზონები მეფეს მხარს უჭერდნენ ხოლმე და ეხმარებოდნენ ხან საქმით ხან კიდევ სულიერ გავლენით. ტაო-კლარჯეთის ბაგრატიონთა გვარის გრიხთავობის დროსაც-კი მთავრობის ჰატივისცემა ღვთისხიერ საქმედ იყო აღიარებული. აი რა სიტყვებით დალოცა კლარჯეთის მონასტრების დიდმა არქიმანდრიტმა გრიგოლ ხანძთელმა ამოტ კუროპალატის შვილები: ვაკურთხენს უოველნი ზირმან ქრისტეისმან და უოველთა წმიდათამან: რამეთუ ჭეშმარიტად სამართალ არს სიტყვა ესეი: სადა არს ჰატივი მთავრობისა, მუნ არს მსგავსება ღმერთებისაი», რამეთუ თქვენ ხელმწიფენი უფალ გვენა ღმერთმან ქუეანისა განგებისა» (ნ. მარრის გამოცემა ცხოვრება გრიგოლ ხანძთ. **Тексты разыск.** წიგნი VII). მაძახადაჲ, გრიგოლის აზრით, საცა მთავრობას ჰატივსა სცემდნენ, იქ სუფევდა ღვთაების მსგავსება; თვით ზეციერმა მაძამ განადა ხელმწიფენი ქვეუნის გამკვეებად: ამის გამო მეფეები უნდა უოფილიუვენს ხელმწიფენი ანებითა ღვთისათა; სწორედ ასეთ წინადადებას ხმარობდნენ ხოლმე ქართული მეფეებიც, მაგალითად, გიორგი მეორე თავის შიო მღვიმესადმი ნაბოძებ სიგულს ასე იწუობს: ანებითა ღვთისათა აფხაზთა, ქართულთა, რანთა, კახთა და სომეხთა მეფისა» (1088 წ. სიგელი, შიომღ. ისტ. საბ. გვ. 13); დავით აღმაშენებელი თავის წყალობის წიგნს ასე-



საქართველოს მეფის ჰირადობა ღვთაებრივ ბუნების ჰატრონად, თვით ღვთაებად აღიარებინათ. ზემომოუვანილ დავით აღმაშენებლის სიტყვების შემდეგ, რასაკვირველია, მკითხველის ურთა სმენას ისე აღარ ეხამუშება და არც ძალიან გაოცდება, როცა მწიგნობართ უხუცესისასა და ვაზირ ჭყონდიდელის სიტყვებს წაიკითხავს: «ღვთისა სწორსა მეფეთ მეფესა თამარს შევესვეწყო» (სიგელი 1202 წ., შიომღ. ისტ. საბ. გვ. 27). საქართველოს მეფე «ღვთისა სწორი», «სამებისაგან ოთხად თანააღზავებული» იყო, როგორც თამარ მეფის ისტორიკოსი ამტკიცებს (მარიამ დედ. ვარნიტი. ე. თაუაიშვილის გამოცემა, გვ. 363), ე. ი. სამებასთან მეოთხე სახედ, მეოთხე ღვთაებად აღზავებული, «ერთი სამებისაგანი აქა კულა სამებისათანა იხილვების თამარ მოსწორებული და აღმატებული» (idid. 398), როგორც იგივე შემატიანე ამბობს თავის თხზულებაში. შესანიშნავი მენოტბე ჩახრუხაძე ამბობს, მინდა «დაუსაბამო თამარ ვსთქვა ნათლად და ძედა მისად.

მზეებრ სავანე, სულის სავანე, თანგამწუოდ მისა, სწორად მამისად».

(პროფ. ნ. მარჩის გამოც. **Тексты и разыск.** IV წიგნ. გვ. 33). ერთი სიტყვით, ჩვენა ვხედავთ, რომ საქართველოს მეფის ჰირონება მთავრობის მომხრე წრეებმა გააღმერთეს, ხოლო მის უფლებას ზეციური ძლიერება და უცოდველობის თვისება მიანიჭეს. რაკი საქართველოს ხელმწიფეები და მათი თანამოაზრენი ასეთ შეხედულობას დაადგინენ, ცხადია, ისინი თავიანთ თავს სრულს თვითმწერობელებად ჩასთვლიდნენ და კეისრობის ძლიერების მოხვეჭას მოინდომებდნენ. სწორედ ასეც გახლავთ კიდევ. უკვე 1082 წელს შიომღვიმისადმი ნაბოძებ წუალობის წიგნში, გიორგი II თავის თავს «ყოვლისა აღმოსავლეთისა და დასავლეთისა თვითმწერობელად» აღიარებს (შიომღ. ისტ. საბ.).

## თავი მეხამე

ეს თვითმწერობელობა და ღვთისსებითობა მეფებისა და მთავრობის მომხრეთა დასის იდეალი და მისწრაფება იყო, ვიდრე სახელმწიფო ცხოვრების უტუარო მოვლენა. ქვემოთ ვნახავთ ჩვენ, რომ საქართველოს მეფეები სპირად ისე შევიწროებული იყვნენ ხოლმე დიდებულ აზნაურებისაგან, რომ არც თვითმწერობელის უფლება ჰქონდათ შერჩენილი, არც «ნებითა ღვთისათა» ბრძანებოდნენ სახელმწიფოს ბატონად. ვიდრე ჩვენ საქართველოს მეფის უფლების გამორკვევას შეუდგებოდეთ, აუცილებლად საჭიროა გაკვრიოთ მაინც სიტუკვა ჩამოვაცდოთ იმ უმთავრესს საზოგადოებრივ დაწესებულებაზე, რომელზედაც საქართველოს წესწობილება დამყარებული იყო. ეს დაწესებულება — ჰატრონელობა ვახლავთ. ის ჰატრონელობა, რომელიც შემდეგ ბატონელობად გადაიქცა. ჰატრონელობა მთელ სახელმწიფო და კერძო ცხოვრებას თავისებურს მიმართულებასა და ელფერს აძლევდა. სიტუკვა «ჰატრონი» ქართული არ არის და რომაელების ენისა და სამართლის საკუთრებას შეადგენს.

ჩვენი სიტუკვა «ჰატრონი» რომაელების **patronus**'-ი არის. იტალიაში ჰატრონის სახელს ისეთ ვაკლენიან და შემღებულ ადამიანს დაარქმევდნენ ხოლმე, რომელსაც წვრილი ერი, მღაბიო ხალხი სასამართლოში მფარველობისა და გადასახადებისაგან თავის დაღწევის გულისათვის მიჰმარ-თავდა და თავის მამულს გადასცემდა ხოლმე. ეს «ჰატრონი» მამულის მფლობელების ნებას აძლევდა თავიანთი მიწებით კელავინდებურად ეხარკებლათ, მხოლოდ კანონიერად მამული უკვე იმ «ჰატრონის» საკუთრებად ითვლებოდა. ამისთანა ჰატრონობას რომაელები **fundorum partocinia**'-ს ეძახდნენ. სალვიანე მარსელიელი, V საუკუნე მწერალი, ასე კვიხატავს მაშინდელ «ჰატრონობა»-ის სურათს. წვრილი ერი მფარველობისა და დახმარების გულისათვის დიდებულებს მიანდობდნენ თავის თავს; უველანი, რომელნიც მფარველობას ეძებენ, მთელ თავიანთ ქონებას, ვიდრე მფარველობას მიიღებდნენ, თავიანთ «ჰატრო-

ნებს» განუთვისებენ (კადასცემენ) ხოლმე; ამგვარად, იმის გულისათვის, რომ მამებმა მფარველობა ჰქონონ, შვილები მემკვიდრეობასა ჰკარგავენ... ასეთია დიდებულია შველა და ჰატრონობა», **Migne, Patrologia Lat LLI**, 202), დასძენს საღვინე. ეს რომაელების საზოგადოებრივი დაწესებულება ფრანგებმა და გერმანელებმაც შეითვისეს. უძველესს დროს, IX-X საუკუნემდე საქართველოში სიტევას «ჰატრონი» სრულებით არა ხმარობდნენ; არც ერთ ჩვენ მწერლობის ძეგლში იგი იმ ხანაზე აღრე არ მოიხოვება. ცხადია, მაშასადამე, რომ ეს სიტევა დასავლეთიდან უნდა იყოს შემოტანილი; მხოლოდ საიდან სახელდობრ — ამ საკითხის გადაწყვეტა თითქმის შეუძლებელია. ზირდა-ზირ რომიდან, ან ფრანგებისა და გერმანელებისაგან ხომ ვერ შეითვისებდნენ ქართველები ამ დაწესებულებას. მეტად დიდი ზღვარი ძევს ჩვენსა და იმ ქვეყნების შორის. რასაკვირველია, დასავლეთით საქართველოზე უველა ქვეყანაზე უფრო მახლობელი ბიზანტია იყო; მაგრამ იქ ეს საზოგადოებრივი დაწესებულება ისე კაბატონებული არ იყო, როგორც მაგალითად, რომში, საფრანგეთში, გერმანიაში და თვით საქართველოშიაც. ბიზანტიაში მფარველობას მონასტრები ეძებდნენ ხოლმე განსაკუთრებით; შეეფარებოდნენ რომელიმე გავლენიან ზირს და თავიანთ მამულების საკუთრების უფლებას მათ დაუთმობდნენ ხოლმე. მაგრამ საკითხის გადაწყვეტა საშინლად ძნელდება იმის გამო, რომ თვით ბიზანტიელები ამგვარ მონასტრის მფარველს «ჰატრონს» კი არ ეძახდნენ. არამედ «ხარისტიკარს»; სიტევას «ჰატრონი», რამდენადაც ჩვენ ვიცით, ბიზანტიაში არა ხმარობდნენ. რაკი ეს საქართველოს «ჰატრონ-ემობის» დაწესებულების უმთავრესად გამომხატველი სიტევა ბიზანტიაში გავრცელებული არ იყო, მკვლევარს ამის გამო არ შეუძლიან იმ დასკვნას მიემხროს, ვითომც ჰატრონემობა ბიზანტიის ზედგავლენის წყალობით განხილვიოს საქართველოში. მართალია, ზირადად რომაელებსაც ჰქონდათ გავლენა საქართველოზე, ჩვენი სამშობლო ერთ დროს მათ მფარველობის ქვეშ იმყოფებოდა, მაგრამ ეს დიდი ხნის (I ს. ქრისტეს წინ

და I ს. ქრისტ. შემდეგ) ამბავია, სიტყვა «პატრონი», როგორც შემოთ-  
მოსხენებული იყო, მხოლოდ IX-X საუკ. ვრცელდება ქართულ მწერ-  
ლობაში. ამგვარად, საკითხი გამოურკვეველი გვრჩება; დანამდვილებით  
მხოლოდ იმის თქმა შეიძლება, რომ სიტყვა «პატრონი» რომაელების  
ენასა და სამართალს ეკუთვნის და IX საუკუნემდე ქართულ მწერლო-  
ბის ნაშთებში სრულებით არ მოიპოვება.

ვის ეძახდნენ პერე მაშინდელ საქართველოში «პატრონის» სახელს?  
პატრონი ნიშნავდა კერძო მესაკუთრეს და მფლობელს, მაგ. მიქელ მემ-  
ღვიმე, რომელმაც თავის მამულში ციხე ააშენა, თავის თავს ამ ციხის  
«პატრონი»-ადა სთვლის (შიომღ. ისტ. საბ. კვ. 2). კერძო მფლობელი-  
სავე მნიშვნელობა აქვს ამ სიტყვას შიომღვიმის 1250—60 წ. სიკელ-  
ში, სადაც «მიწის პატრონი»-ა მოხსენებული (შიომღ. ისტ. საბ. 60).  
«ქართლის ცხოვრება»-შიც აღნიშნულია «აბუსერი... ციხისჯვარისა და  
აწვეურისა ციხისა პატრონი... გვარამ კოდერძისმე ბეჭის ციხის პატრო-  
ნი» (ზ. ჭიჭინაძის გამოც. 326). თამარ მეფის მემკვიდრე სახელოვან დე-  
დოფლის შესახებ ამბობს, «პატრონმან ხმელთაჲმან და ზღვისაჲმან»-ო.  
სიტყვა «პატრონი» ნიშნავდა აგრეთვე მფარველს, მზრუნველს, ჰირად  
პატრონს; მაგ. ატენის ტაძრის XI საუკ. წარწერაში ნათქვამია: «მლი-  
ერმან მეფეთ მეფემან ბაგრატ უბრძანეს მიწასა მათსა მირიანს. პატრონ-  
სა ჩემსა, სეფესზუარსა შიდა ქალაქისა აშენებაი... ავაშენეთ დარბაზი და  
ქალაქი. შეგვიწუაღნა მეფობამან მათმან, სასახლენი ადგილნი და საქულ-  
ბაქენი მკვიდრად... მირიანს და უმათა მისთა... შევწირე წმიდასა სიონ-  
სა ატენისასა... სალოცველად... ჰკიანმცა უკუნისამდე ძლიერნი მეფეთა  
მეფე ბაგრატ სევასტოსი და მე მათი გიორგი კურაპალატი და სალოც-  
ველად მიწისა მათისა გამზდელისა პატრონისა ჩემისათვის» (Brosset,  
Voyage VI, 22). ამ წარწერაში, რასაკვირველია, ჰირად პატრონო-  
ბაზე, ჰირად დამოკიდებულებაზეა ლაპარაკი; ამას ამტკიცებს სიტყვები  
«გამზდელისა პატრონისა ჩემისათვის». ეს წარწერავე გვიჩვენებს, რომ  
მამულის შემწირველი მირიანის «უმა» უოფილა; ამნაირივე უმები მირი-

ანს, როგორც ეტუობა, რამდენიმე კიდევ უნდა ჰყოლოდა, ამიტომ იქ-  
 ნება წარწერაში ნათქვამი «ემათა მისთა»-ო, მრავლობითი რიცხვი და  
 არა მხოლოდობითი. სიტყვა «ემა», რომელსაც ჩვენში ამგვარ ჰირად და  
 უფლებრივ დამოკიდებულების აღსანიშნავად ხმარობდნენ ხოლმე, წარ-  
 მომდგარია სიტყვისაგან «ერმა», რომელიც ნიშნავს ბაკშეს, ჭაბუკს. ეს  
 სახელწოდება გვიჩვენებს, რომ «ემების» ჰირადი უფლებები უნდა შეს-  
 ღუდული უოჭილიყო. წარწერაში მოხსენებულ მირიანსავით უველა შემ-  
 ლებულ აზნაურებს უმები ჰუავდათ ხოლმე. მემატიანეს სიტყვებიდანა ჩანს,  
 რომ ომის დროს ამ პატრონებს უმები ამაღასავით თან ახლდნენ ხოლ-  
 მე; იხარებდეს, ამბობს მაგალითად იგი, «ვითარ მპოვნელნი... პატრო-  
 ნი უმისა და ემა პატრონისა» (ქარ. ცხ. 389), ან კიდევ «უხწრობდა პატ-  
 რონი უმასა და ემა პატრონისა» (idid. 417). ერთი სიტყვით, მასალე-  
 ბიდან ცხადად ჩანს, რომ პატრონეობა მაშინდელ საქართველოს სო-  
 ციალურ და ქონებრივ წესწობილების გამომხატველია.

მაგრამ იმავე დროს «პატრონეობა»-ს სახელმწიფო წესწობილება-  
 ზედაც დიდი გავლენა ჰქონდა, სახელმწიფო წესწობილების გამომხატ-  
 ველიც იყო. ეს იქიდანა სჩანს, რომ სიტყვა «პატრონი» მარტო კერ-  
 მო მესაკუთრეს და მფარველს კი არა ნიშნავდა, ე. ი. მარტო ცხოვრე-  
 ბის სოციალურ და უფლებრივ განწობილებათა დამახასიათებელი კი არ  
 იყო, არამედ მეფესაც, ხელმწიფესაც ნიშნავდა, მაგალ. როცა მემატია-  
 ნეს სურს გვაცნობოს, რომ მწიგნობართ უხუცესი გიორგი ჭკონდიდე-  
 ლი მეფე დავით აღმაშენებელთან იყო ერთად აღზრდილი, იგი ამბობს:  
 «თანააღზრდილი პატრონთანაო» (ქრ. ცხ. 358), ან არადა «თანა აუდ-  
 გა აღზრდილი სიურშითაგანთა პატრონის მსახურებათა» (ქრ. ცხ. 359).  
 მორე ისტორიკოსიც «პატრონს» მეფის მაგიერ ხშირად ხმარობს  
 ხოლმე, მაგ. იგი მოგვითხრობს, ძლევაძოხილ თამარ-მეფის ლაშქარი  
 ბრძოლის კელიდან დაბრუნდა და «მოვიდეს წინაშე პატრონისა ღვთივ-  
 განათლებულისა»-ო (ქარ. ცხ. 415). სხვა ადგილას იგივე მემატიანე ამ-  
 ტყვიცებს, რომ «არცა ძველთა კამთა მისა და არცა ახალთა სადამე სმე-



ნილ არს, უკეთუ საჯამე ქმნილ იუოს ნებისთ ანუ უნებლიეთი განდგო-  
 მილება მეფეთა დაწვობითგან სოფლისათ არა სადა ვის უხილავს თუ-  
 ცა წარმართებოდეს, ანუ გამარჯვებოდეს ჰატრონთა ზედაო» (ქარ. ცხ.  
 427). ეველა ზემომოუვანილ და სხვა კიდევ მრავალ მაგალითებიდან, რო-  
 მელთა ჩამოთვლა შორს წაგვიყვანდა, ცხადდა ჩანს, რომ სიტყვა «ჰატ-  
 რონი» მეფესაცა ნიშნავდა. მაგრამ, როგორც ჰატრონი ერთსა და იმა-  
 ვე დროს მესაკუთრეს, მფარველს და მეფეს, ანუ ხელმწიფესა ნიშნავ-  
 და, თავის მხრივ სიტყვა «ემა», ანუ «მოემე» ქვეშევრდომსა ნიშნავდა,  
 თუნდა ეს ქვეშევრდომი დიდებული აზნაური და მოხელე ბრძანებული-  
 ეო. მაგალითად, თამარ მეფის მემატიანე თამარის მომხრე დიდებულე-  
 ბის შესახებ ამბობს: «მიეცა ძლევა მოემეთა თამარისათაო» (ქარ. ცხ.  
 429). სხვა ადგილას იგივე ავტორი მოგვითხრობს: «მოვიდეს მოვეგებ-  
 ნეს წინა ფანასკერტელი ზაქარია და მინიელი, კალმასელნი, ემანი კარ-  
 გნი, ჰატრონთაგან შეწყალებულნი»-ო (ქარ. ცხ. 432). ცხადია, რომ  
 ორივე შემთხვევაში ემანი, ანუ მოემენი ქვეშევრდომებსა ნიშნავენ, ე. ი.  
 სახელმწიფო ცხოვრების მოვლენას ახასიათებენ, რომ სიტყვა «ემანს»  
 «ჰატრონი»-საჲთ ზოლიტიკური მნიშვნელობაც ჰქონდა და სახელმწი-  
 ფო ცხოვრების დამოკიდებულებათა გამომხატველი იყო, ნათლად შეიძ-  
 ლება დავინახოთ შემდეგ გარემოებიდან: ჩვენი მემატიანენი ათაბაგსა და  
 შირვანშაჰს, რომელნიც საქართველოს მეფის მფარველობის ქვეშ იმყო-  
 ფებოდნენ, თამარ მეფის «ემებს» ემანთან (ქარ. ცხ. 448). ამ შემთხვე-  
 ვაში სიტყვა «ემა» დასავლეთ ევროპაში საშუალო საუკუნოების განმავ-  
 ლობაში ძალიან გავრცელებულ სახელწოდებას **vassus, vassalus**  
 (ვასსუს, ვასსალუს) ეთანახსოვრება. ამგვარად, ეველა საისტორიო სა-  
 ბუთებიდან ნათლადა მტკიცდება, რომ ჰატრონეობა ერთსა და იმავე  
 დროს სოციალურ ცხოვრების დამახასიათებელი იყო, სახელმწიფო  
 ცხოვრების წესწობილებიდან: ჰატრონი — მეფესაც ნიშნავდა, მესაკუთ-  
 რეს, მზრუნველსაც; მოემე, ანუ ემა — ქვეშევრდომსაც დაერქმეოდა  
 ხოლმე, ემასაც. ერთის სიტყვით, კერძო და სახელმწიფო ცხოვრების

მოვლენანი და დაწესებულებანი ერთი ერთმანეთზე იყვნენ გადაბმული და  
 შედუღებული, თითქოს სახელმწიფო წესწუობილება საქართველოში კერ-  
 მო ცხოვრების განწუობილების «პატრონეობი»-საგან უოფილიუოს  
 წარმომდგარი. ერთ დროს მაინც ჩვენი ქვეყნის ცხოვრების ღერძს სწო-  
 რედ ეს პატრონეობა შეადგენდა. ამ მხრივ საუურადღებოა აშოტ კურა-  
 ჰალატის მოქმედება თავის ახალ სამფლობელოში შავშეთ კლარჯეთში;  
 მემატიაზე მოგვითხრობს, რომ «ხევი შავშეთისა უშენებელ იუო მაშინ  
 გარეშე მცირეთა სოფელთასა, რამეთუ ქამთა სწარსთა უფლობისასა აოხ-  
 რდა... კვალად შემდგომად მისსა სლვამან საღმობისამან მოაოხრა შავ-  
 შეთი და კლარჯეთი და მცირედლა დაშთნეს კაცნი ადგილ ადგილ, სო-  
 ლო დაშთომილთა მათ მკვიდრთა შავშეთისათა შეიწუნარეს იგივ სინა-  
 რულითა და სიევარულითა და დაემკვიდრა მუნ და მისცა ღმერთმან გა-  
 მარჯვება და ახელმწიფა იგი შავშეთ კლარჯეთსა ზედა და მან სოფელ-  
 ნი ზოგი იეიდა საფასით და ზოგი ოხერი აღაშენა და განამრავლა სოფ-  
 ლები კურაჰალატმან ქუეყანათა მათ შინა» (სამი ისტ. ქრონ., სუმბატის  
 ქრონ. 52). ეს პატარა ნაწევკეტი მაშინდელ საზოგადოების ცხოვრების  
 სურათს საუცხოვოდ გვიხატავს; აშოტ კურაჰალატი, როგორც მემატი-  
 აზე მოგვითხრობს, აოხრებულ ქუეყანაში მისულა და სწარსეთის განად-  
 გურებისა და შავი ჭირის მუსრისაგან გადარჩენილ ადგილობრივ მცხოვ-  
 რებთ იგი სინარულით მიუღიათ; ხოლო მისი უფლება და მფარველო-  
 ბა ნებაყოფლობით შეუწუნარებიანთ; აშოტი მათ მფარველობას გაუწევ-  
 და, დაიცავდა განსაცდელისაგან, მცხოვრებნი-კი თავის მხრივ მის უფ-  
 ლებას დაჰყაბულდნენ და ამით, რასაკვირველია, ჰირადი თავისუფლება  
 შეესლუდათ და დამოუკიდებელ მკვიდრთ ბატონი გაიჩინეს; ამას ლათი-  
 ნურად **fundorum patrocina** ერქვა, ქართულად კი შეიძლება «შეწ-  
 უნარებული პატრონობა» დაუძახოთ. ამავე დროს, მემატიაზე სიტუვით,  
 აშოტს ზოგი სოფლები ფასად გაუყიდნია, ესე იგი, ჰირად კერმო სა-  
 კუთრებად განუთვისებია და ზოგი კიდევ ოხერი მიწები და ნასოფლა-  
 რები, რომელნიც მის საპატრონო საკუთრებას შეადგენდნენ, აღუდგენია

და გაუქმებია საქართველოს სხვა ადგილებიდან გადმოუვანილ ხალხით; ამგვარად, აშოტს თავისუფალი და ცარიელი მიწები მათთვის უწელობებია; ასეთ საქციელს რომაელები **beneficia**'-ს ეძახდნენ, ხოლო ქართულად შეიძლება «წელობითი პატრონობა» დავარქვათ სახელად. ამნაირად, ზემომოუვანილ მემატიანეს სიტყვებიდან სჩანს, რომ აშოტის სახელმწიფო უფლება **fundorum patrocina**'-სა და **beneficia**-ზე იყო დამყარებული. ანუ ქართულად რომ ვსთქვათ, «შეწუნარებულ და წელობით პატრონობაზე», ერთი სიტყვით, კერძო უფლებრივი თვისება ჰქონდა. საქართველოს სამეფო მთლიანად პატრონეობაზე იყო დაფუძნებული: როგორც მეფე თავის დიდებულ ქვეშევრდომებს-«მოყმეების» პატრონად ითვლებოდა, ისევე თავიანთ მხრივ ეს მეფის უმეები საკუთარ ხელქვეითების პატრონებად ითვლებოდნენ, ხოლო ხელქვეითნი, როგორც ჩვენ ზემოთ მოუვანილ ატენის წარწერიდან დავინახეთ, უმეებად იწოდებოდნენ; ამ უმეებსაც თავიანთ მხრივ საკუთარი უმეები ჰყავდათ ხოლმე, რასაკვირველია, ისინი მათ პატრონებად ითვლებოდნენ. ამნაირად, მთელი მაშინდელი საქართველო მეფიდან მოყოლებული უბრალო მდაბიომდე პატრონეობის უღელში იყო შებმული და ცხოვრების ტვირთს მიეწეოდა; რომ დიდებული მოხელეებიც მეფესავით პატრონებად იწოდებოდნენ. ცხადად სჩანს მემატიანეების თხზულებებიდან; დავით აღმაშენებლის და თამარ მეფის ისტორიკოსები მაგალითად შემდეგ ზირობს ასახელებდნენ: გუზან «პატრონი კლარჯეთისა და შავშეთისა» (ქარ. ცხოვ. 426), ვარდან დადიანი «პატრონი ორბეთისა და კაენისა და ლიხთიქით ნიკოფსიამდის უცილობლად ქონებისა» (ქარ. ცხ. 426), მხარგრძელი «პატრონი ლორისა» (ქარ. ცხ. 431), აფრიდონ «თმოგვისა და სხვათა ციხეთა პატრონობითა აღზეებული» (ქარ. ცხ. 408), იოანე ვარდანისძე «პატრონი გაგისა» (ქარ. ცხ. 428) და მააე «პატრონი კაიწონისა» (ქარ. ცხ. 428).